

Wann Gott gnaden wir Georg Marggraue zu Brandenburg, zu Stetin, Pomern, der Cassubenn vnd Wendenn, Auch Inn Schlesienn, zu Rattibarn Jegerndorf zc. Herzog, Burggraue zu Nurnberg, vnd Fürst zu Rugenn, für vnnselbst, vnd als Vormund vnnsers jungen Vnmündigen Brudersens, Marggraf Albrechts zc.

Nachdem die würdigenn vnd andechtigen vnnsrer Prelat, Rath vnd lieber getreuer, Herr Johans Abbt. Auch Prior vnd Conuent gemeinglich vnnsers Closters Haylspromm. Inn vergannger peurischenn vffzur. Dazemalen nach gestalt der sachen. vmb bessers fridens vnd sicherheit willenn Jrs Leibs, Lebens, vnd guts, mit weyland des Hochgebornen Fürstenn, vnnsers lieben mitregierennenden Bruders, Herrn Casimiren Marggrauen zu Brandenburg zc. seliger Gedechnus (als derselbenn Zeit, sambt vnns. Jrer von Gott verordneten Obrißkeit) sonnderlichem Wissenn, Willenn, vnd geheis Jrs Ordenns habit, vonn sich gelegt, vnd sich mit annder erbarn, briesterlichen claydung beclaydet. Auch seither dar Inn ein erbarn briesterlichenn Wandels, vnd sunst closterlichenn Lebens emthaltenn. Bekennen vnd thun kunth offennlich mit diesem Brief gein yedermieniglich. Das wir bedacht. Wie der gemein man, den Münchs Kutten, oder Ordenns habiten, als mans nennt, noch veinnd ist. Das auch die Leufft noch allenthalben selzam vnd geschwind steen, vnd wir daneben, aus dem lauttern, raynen Wort Gottes souil bericht sind. Das kein clayd, noch eusserlich leben, oder würcken, die rechten, waren Christglaubigen menschen selig macht, noch verdambt, das Jme auch niemand darüber kein gewissenn machenn lassenn soll. Vnd dem allem nach auch Inn Ansehung, das sich der Romischen kaiserlichenn Mayestat vnnsers aller gnedigstem Herrn. gewalthab. de Stathalter Inn Romischenn Reich, vnd zu dem verruckten Reichstag zu Speier verordnete Comissarien, vf vngemelttem Reichstag mit den Chur Fürsten, Fürstenn vnd Stennenden des Reichs, auch derselbenn botschafften ainmutiglich verglichen, vnd veraynigt, das sich alle Stennende des Reichs, mitler Zeit ein general Concilien, oder National versammlung, mit Jren vnnderthanen, ein yeglicher Inn sachen, so das Edict, durch kaiserliche Mayestat, vf dem Reichs Tag zu Wormbs gehalten außgegangen, belanngenn mochten, für sich also leben regiren vnd haltten mögenn, wie ein yeder solchs zuuorderst gegen Gott, vnd kaiserlicher Mayestat. hofft vnd getraut zuuerantwortten laut desselbenn Articels Inn dem Speyerischenn beschlossenn, verpflichtenn, verbrieften, vnd besiegelten Reichs Abschied begriffen. Haben wir genanttem Abbt Priorn vnd Conuent vnnsers Closters Haylspromm, Inn crafft, vnd nach vermogenn angezaigts Speyerischenn Reichs abschied vergennt, gehayssen vnd beuohlenn. sich außserhalb des Ordenns habit. Inn annder erbarn briesterlichenn claydung, hinfuro, wie seither der Beurischenn Vffzur, bis vff ein general Concilium, national versammlung oder vnnsernn weittern beschayd, ein erbarns eingezogen sunst Elösterlichenn Wandels, Lebens vnd Wesenns zu haltten, Der Inzweiuennlichen Hoffnung, das wir auch solchs zuuorderst gegenn Gott dem allmechtigenn kaiser konnen vnd wollen verantwortten. Des zu Brkunth habenn wir dießenn brief mit vnnsrer, vnd vngenannts vnnsers lieben Jungenn Vettern vnd Pflegsons gemeinem anhengenden Innsigl besigelt. Der gebenn ist am Sontag Inuocauit nach Christi vnnsers liebenn Herrn geburt. Sunffzehnhundert, vnd Inn acht vnd zweynzigsten Jaren,

(L. S.)

Die fernere Befolgung dieses Fürstl. Schreibens hat nicht nur bey andern ihres Ordens so viel Lermens gemacht, als wann an der Mönchs, Kutte der Seelen Heil und Seeligkeit gelegen wäre, sondern es sind auch von der Ober Pfälzischen Herrschafft, die in selbigem Territorio gelegene Haylsbronnische Pfarr, Lehen, Kehlheim, Kirchthumbach und Hirschau darüber in Anspruch gezogen, auch endlich nach mehrjährigem processiren gar verlohren worden. Um sich also auf allen Fall vermeintl. besser zu prospiciren, haben sie den Bruder Sebastian Wagner, (der dazumahl Granarius war, und hernach auch Abt worden) mit dieser Supplique Mittwoch vor Judica Anno 1529. nach Benedig, und von dar vielleicht gar nach Rom abgeschickt:

3

Suppli-